



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-572-6/21**
Datum: **24.12.2021. godina**

«Agencija za vodno područje rijeke Save» Sarajevo rješavajući po zahtjevu Investitora OMERČIĆ DINO i OMERČIĆ MIREL iz Klokočnice za izdavanje vodne saglasnosti na projektnu dokumentaciju za aktivnost ispuštanja tehnoloških otpadnih voda sa lokacije autoservisa i samouslužne autopraonice koji se planiraju graditi u Klokočnici, općina Doboj Istok na osnovu člana 139. stav 1. tačka 3. Zakona o vodama («Službene novine Federacije BiH, broj 70/06») i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), **donosi:**

R J E Š E N J E **o vodnoj saglasnosti**

1. Investitorima OMERČIĆ DINO i OMERČIĆ MIREL iz Klokočnice, općina Doboj Istok daje se vodna saglasnost za aktivnost ispuštanja tehnoloških otpadnih voda sa lokacije autoservisa i samouslužne autopraonice koji se planiraju graditi u Klokočnici, općina Doboj Istok, na zemljištu označenom kao k.č. broj: 3201 i 3204 K.O. Klokočnica, općina Doboj Istok a na osnovu projektne dokumentacije:
 - Glavni projekat vanjskih hidroinstalacija, broj: 65-IB-G/21, IX/2021, godina urađen od strane „IBIS“ d.o.o., Zavidovići.
2. Projektna dokumentacija navedena u tački 1. ovog rješenja ovjerena se vraća na čuvanje investitoru i čini sastavni dio ovog rješenja.
3. Investitor je dužan objekat iz tačke 1. ovog rješenja izgraditi u skladu sa navedenom, ovjerenom projektnom dokumentacijom.
4. Način ugradnje separatora i stavljanje istog u pogon uskladiti sa proizvođačem opreme u svim fazama.
5. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
6. Nakon izvođenja radova na sistemu prikupljanja, odvodnje i prečišćavanja otpadnih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
7. U toku izvođenja radova, investitor je dužan poduzeti odgovarajuće mjere kako ne bi došlo do nastanka štete ili nepovoljnih posljedica po vode i vodni režim.
8. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
9. U periodu važenja ovog rješenja, Investitor je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko iste nisu u suprotnosti sa uslovima iz ovog rješenja.
10. Ova vodna saglasnost prestaje da važi istekom roka od 2 (dvije) godine od dana njene pravosnažnosti, ukoliko do tog dana nije pribavljeno odobrenje za gradnju i započeti radovi.
11. Vodna saglasnost se može izmijeniti ukoliko za to nastupe razlozi utvrđeni u članu 130. stav 1. tačka 1., 2., 3. ili 4. Zakona o vodama („Službene novine Federacije BiH”, broj 70/06).

O b r a z l o ž e n j e

Investitori OMERČIĆ DINO i OMERČIĆ MIREL iz Klokočnice se dana 01.12.2021. godine obratili ovoj Agenciji sa zahtjevom za izdavanje vodne saglasnosti na projektnu dokumentaciju za aktivnost ispuštanja tehnoloških otpadnih voda sa lokacije autoservisa i samouslužne autopraonice koji se planiraju graditi u Klokočnici, općina Doboj Istok, na zemljištu označenom kao k.č. broj: 3201 i 3204 K.O. Klokočnica, općina Doboj Istok.

U provedenom postupku dostavljena je i pregledana sljedeća dokumentacija:

- Ovjereni kopija lične karte 2x;
- Ovjereni kopija Rješenja o urbanističkoj saglasnosti broj: UP-I-05-19-84/21 od 02.11.2021. godine izdata od Općinske službe za prostorno uređenje, općina Doboj Istok;
- Ovjereni kopija Obavjesti da nije potrebna okolinska dozvola broj: 12/1-19-029860-21 od 16.09.2021. godine izdato od Ministarstva prostornog uređenja i zaštite okolice Tuzlanskog kantona;
- Ovjereni kopija Saglasnosti za priključak na vodovodni sistem broj: 01-01-077/21 od 15.03.2021. godina izdata od JKP „ČISTO“ d.o.o., Brijesnica Velika Doboj Istok;
- Dokaz o uplaćenju administrativnoj upravnoj pristojbi.
- Glavni projekat vanjskih hidroinstalacija, broj: 65-IB-G/21, IX/2021, godina urađen od strane „IBIS“ d.o.o., Zavidovići.
- Izvještaj o izvršenoj kontroli tehničke dokumentacije, broj: 778/21 od 19.11.2021. godina urađen od „HKP CONSULTING“ d.o.o., Banja Luka.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama čl. 8. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ali je zbog daljeg vođenja upravnog postupka bilo potrebno dopuniti Projektnu dokumentaciju - Glavni projekat vanjskih hidroinstalacija, broj: 65-IB-G/21, IX/2021, godina urađen od strane „IBIS“ d.o.o., Zavidovići, te je dopisom broj: UP-1/21-2-40-572-3/21 dana 09.12.2021. godine zatraženo od podnosioca zahtjeva da istu dopuni u roku 15 (petnaest) dana od dana urednog prijema dostavljene obavjesti što je podnosilac zahtjeva ispoštovao i dostavio dopunu.

Na osnovu dostavljene dokumentacije uz predmetni zahtjev od strane stručnih osoba Agencije sačinjeno je Stručno mišljenje broj: UP-1/21-2-40-572-5/21 od 24.12.2021. godine kojim je utvrđeno da je dostavljena Investiciono-tehnička dokumentacija Glavni projekat vanjskih hidroinstalacija, broj: 65-IB-G/21, IX/2021, godina urađen od strane „IBIS“ d.o.o., Zavidovići, urađen u skladu s uslovima utvrđenim prethodnom vodnom saglasnošću broj: UP-I/25-1-40-163-11/21 od 23.07.2021. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu naprijed navedenog, a u skladu s članom 114. Zakona o vodama („Službene novine Federacije BiH, broj 70/06) i člana 7. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), riješeno je kao u dispozitivu rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

Remić Dž., dipl.iur.

Po ovlaštenju
Rukovodilac Sektora za izdavanje vodnih akata

Haris Ališehović, dipl.ing.građ.

Dostaviti:

- OMERČIĆ DINO I OMERČIĆ MIREL (PRILOG: Projekat i Izvještaj)
Ul. Klokočnica bb, Doboj Istok
- ⊖ AVP Sava, ISV-vodna knjiga,
- Sektor 40 – arhiva
- Oglasna tabla AVP Sava-Sarajevo